

111 年全國語文競賽客家語讀者劇場文本國小組（大埔腔）

編號 35 號

【擲牙齒】陳美燕原作

頭擺個時代，生活環境無現下恁好，衛生教育還唔普遍，大家對保護牙齒個觀念也無恁清楚。像佢，斯朝脣頭跣床洗一擺牙齒忒等，嘴又豺，當好食糖，所以，自細佢對牙齒疾個印象當深。

牙齒一疾啊起來會致命哦～細人噉去唉唉吔吔¹，大人無結無煞。該當時無麼個止疾藥，阿姆喊佢：「冷水含核！毋好緊噉！」講越噉會越疾。到尾，換牙該下，阿姆吩咐，試著舊牙有一滴滴搖，斯愛用舌嫵緊西²，過用兩枝手指拈緊牙齒搖分佢噉，使毋得癢癢³驚疾。若係毋煞猛搖，等新牙暴出來無位好企個時節，「歸口牙齒生去歪梨孃瓜⁴，該正醜哪～」阿姆逐擺恁泥半嚇半拐佢。

細門牙脣項該兩枝「虎牙」也已重要，阿姆講無較細義兜，暴出尖尖翹翹個「豬哥牙」來，該就死皺咧哪！一半下，佢看佢

懶尸、無要無緊個樣，將就拿一條白車線，將吾牙齒綯纏纏⁵，出力一掙⁶，牙齒斯跣緊白線飛出來咧。上顎擲著個牙齒，腳愛企比比⁷擲去眠床下；下顎擲著個愛擲上屋頂，講恁泥牙齒生來正會齊。

記得佢有一枝後角個大牙，係分做「撮把戲」個人擲撇個。該當時，佢讀小學兩年生，有戲班來莊頭做戲兼賣藥。厥等賣一種止疾藥水，講牙齒疾個時節點落去使得止疾，牙齒擲撇了後來點，較遽收口止血。佢問現場個細人：「有麼人牙齒噉噉無？佢同佢擲毋使錢哦～」緊講緊行到吾面頭前，奇怪呢，佢都無講愛分佢擲啊！佢噉喊佢嘴擘開開，擎一枝鋏，手腳伶俐一下斯同吾牙齒擲撇咧。背尾佢想，定著係企吾後背個阿姆偷偷同佢講個。

到較大咧，了解牙齒個重要性，曉得細義注意牙齒個健康。當愛靚個佢，逐擺看著自家個牙齒生來齊齊無歪撇，正知愛勞瀝阿姆該當時恁有耐心教佢。

¹ 唉唉吔吔：音 ai+ ai+ rho~ rho~；哭個不停。

² 西：音 te^；用舌頭往外推。

³ 癢癢：音 rhong+ ve+；嬌慣，動輒大叫。

⁴ 歪梨孃瓜：音 nguai+ li~ fe^ gua+；形容歪斜不正。

⁵ 綯纏纏：音 to~ hen~ hen~；綁得緊緊的。

⁶ 掙：音 dui^；用力扯。

⁷ 比比：音 be~ be~；齊。

【學鐵馬】李雪菱原作

講著騎鐵馬，佢盡好啦，三不二時騎緊鐵馬飆上飆下，下課轉到屋家，書包一揸¹，斯去尋鐵馬來騎。若無，心情斯愠愠悴悴，做麼个都懶拐拐²。

該日天時已好，佢歡歡喜喜跔阿姆去運動公園，緊騎鐵馬緊唱歌，路項看著一個阿爸教厥俵學騎鐵馬，一身大汗扶核鐵馬跔尸背尾緊走，還大聲緊喊：「愛放手哩啲，佢愛放手哩啲。」實在哪有放手呢！

這分佢恹起頭擺學騎鐵馬个時節，該當時阿爹身體還已健，毋知哪條腸直咧，講愛教佢學騎鐵馬，將後斗个輔助輪剝撇，喊佢騎上去。阿姆哀啲！佢噉噉滾³盡噉，頭磬磬⁴看緊鐵馬踏愛箭佢，車頭嘎轉來轉去毋知愛幹哪向？佢驚去面瀝青⁵，阿爹在後尾緊喊：「看頭前，看頭前，佢捉核後斗，你慢慢騎斯使得。」斯恹泥，像連續劇个樣，橫撇又過跋起來，過再騎，緊噉緊騎，阿

爹單淨會同吾衫褲撥撥咧，看有鑪溜皮無？看有流血無？又過甘佢繼續騎，害佢噉去目濫鼻串⁶成衰過哦！

這一朝脣个特別訓練，像海軍陸戰隊个水鬼恹艱苦，總算學會咧。還騎去展分阿奶看，害阿奶著驚下，目珠擘都大嫫粒。又過風神轟天⁷騎去分隔壁鄰舍个細人看，展風神。毋過阿爹搥去手軟腳犁⁸，坐在地泥下氣凹凹⁹緊噉大氣，頭先喊佢个神氣毋知走哪去咧？

轉到屋家阿爹同佢講：頭擺愛學騎鐵馬無恹簡單，愛去同人租，半點鐘五個銀，歸家屋个細人共下學，大漢个扶細漢个輪核騎，下把下無細義跌去烏青紫嘔，噉去嘴扁扁也毋敢聲，大人無閒濟借也無法度插你，總講細人天生天養，跌到大噉到大，自自然然斯學會咧。

到這下見看著人學騎鐵馬，已像看著阿爹扶核鐵馬後斗个手，分佢安安心心，總試著無離開過，到今還燒燒暖暖在吾个心肝肚。

¹ 揸：音 fid^ˋ；丟

² 懶拐拐：音 nan⁺ guai^ˆ guai^ˆ；意興闌珊。

³ 噉噉滾：音 ve^ˋ ve^ˋgun^ˆ；大呼小叫。

⁴ 頭磬磬：音 teu^ˋ cin^ˆ cin^ˆ；低頭的樣子。

⁵ 面瀝青：音 mien^ˋ lag^ˋ ciang⁺；因恐懼而臉色發白。

⁶ 目濫鼻串：音 mug^ˆ lam^ˋ pi^ˋ chon^ˋ；淚流滿面。

⁷ 風神轟天：音 fung⁺ shin^ˋ pang^ˋ tien⁺；洋洋得意。

⁸ 手軟腳犁：音 shiu^ˆ ngion⁺ giog^ˆ lai^ˋ；形容疲累異常。

⁹ 氣凹凹：音 ki^ˋ ngiab^ˆ ngiab^ˆ；氣喘吁吁的。

111 年全國語文競賽客家語讀者劇場文本國小組（大埔腔）

編號 47 號

【打極樂】黃家馨原作

頭擺，佢盡惱落雨天，見看著天時轉烏陰，阿姆斯特會喊佢收衫褲入屋，又吩咐佢續手摺摺咧。當好出去搞个佢，斯像分天公關在屋肚共樣，當毋甘願衫褲儘採拗一下，斯譴滋滋¹看窗門外背落無停个雨，阿爸看佢嘴嘟鼻翹，問佢：「你在該譴麼个？嘴脣皮吊得三斤豬肉哩啲！」佢同阿爸講：「天公正經同佢做對頭，昨晡日先生愛考吾等走八百公尺，佢緊拜託佢落大雨，結果半點雨都無，還出大日頭，害佢熱去險險橫撇；今晡禮拜六，佢想愛去打球，佢嘎來拚大雨，佢實在會分佢譴死！」

阿爸行入間肚，拿出幾粒極樂，隨手將極樂儘採纏一下，在廳下輕輕擲啊去，一粒、兩粒、三粒，逐粒都迷當遽，佢看都當入神，目金金、嘴開開毋敢啟氣。過一下，阿爸又拿三條幼線一頭緝在凳頂，一頭用手拉纏，將地泥下纏好線頭个極樂，一粒一粒擲到幼線頂，三粒極樂斯像在該走相逐，各儕一條線，完全無交雜，佢暢都奈毋得，緊拜託阿爸教佢。

有心打石石成磚，無心打井井無泉，佢認真跔阿爸學幾擺，

斯曉搞咧！佢用左手拿極樂，將線頭放上去，左手手指公拿緊線頭，用正手纏線，頭兩圈定著愛擲纏，續落來纏緊去，纏到伸三股一个時節斯使得咧，換正手尾指纏兩輪，用正手拿好極樂，左腳踏頭前，正腳在後背，正手頭前後背晃幾下，看準目標，正手到頭前个時節出力擲啊去，極樂斯迷迷轉咧！

打極樂个時節，看極樂迷迷轉，成半下會打斜，佢會用索在邊脣憑一下，極樂黏時斯轉正咧；一半下緝一條幼線，分極樂對這頭行到該頭，像教極樂行路个樣，正經當生趣！阿爸講：「人生乜係恁泥樣，愛行自家正確个路，毋罅力个時節，用索在邊脣揆一下，極樂斯會迷較遽；打斜抑係行歪个時節，用索教極樂轉正，像阿爸長在教你做人个道理共樣。」

這下，隨在佢天公幾時愛發風落雨，幾時愛出日頭，佢也無相干咧！佢顛倒愛勞瀝天公落大雨，分阿爸毋使出門做事，使得同佢做伴，緊打嘴鼓、緊搞極樂，實在當生趣！人生像極樂共樣，緊迷緊迷，各人行自家个路，勞瀝爺哀、先生同朋友，輒輒在邊脣揆醒佢，牽成佢，有厥等个用心指導同鼓勵，佢正有信心去打拚，正毋會行差路！

¹ 譴滋滋：音 kien[˥] zii⁺ zii⁺；非常生氣。

【阿咪¹】李夢花原作

吾屋家自從都毋識畜狗畜貓，一來係阿姆歸日愛做事，又愛煮三餐，搵都無閒濟借咧，二來阿姆當淨俐相，驚怕畜狗、畜貓會遛跳蚤。直直到老弟間房个天蓬頂²，逐暗晡有一陣老鼠在該走相逐，乒乒砰砰³吵都佢睡毋得，高不將正同上屋个鄰舍，分一隻細貓子畜來好打老鼠。

鄰舍个貓嫲這網正養著兩隻，一隻係吾屋家這隻，灰色間核⁴白色同豬肝色花籬花籬⁵，看著當精靈又當得人惜，吾等喊佢「阿咪」。另外該隻柑色間核白色，也已靚，分雜貨店个叔姆捉去畜。阿爸講新捉來个貓，定著愛絢在有四支桌腳个桌下幾日過，恁泥貓正會認屋，阿爸同佢絢在桌腳下。正經有影哦！幾日過後放佢，阿咪斯乖乖，毋會岐岐走⁶咧！

因致毋識畜過貓，阿姆毋知愛餵佢食麼个？聽人講：貓愛食

臭臊。阿姆斯用四破脯攪飯餵佢。一站過，阿爸講：「毋好分佢食忒好、食忒飽，食慣勢咧斯毋會去打老鼠。」聽雜貨店个叔姆講厥屋家該隻，斯係食去肥律律，日日食飽睡、睡飽食，老鼠對邊脣過，單淨目珠擘開睜一下，又做佢睡。該幾日逐朝脣，阿爸跔跔去豬砧買一坵豬肝分阿咪食。第一擺豬肝買轉來，阿姆愛拿來煮熟，阿爸遽遽講：「分貓食生豬肝，係愛佢慣勢生東西个味瑞，正會去打老鼠，下次擺佢若打著个老鼠，敢講你愛煮熟正分佢食係無？」阿爸講个已有理，吾等聽去哈哈大笑。

阿咪日時頭走去倉庫睡目，暗晡頭斯係佢活動个時間，在暗摸脣疏个暗晡頭，厥个目珠仁，像兩粒青色个鑽石，當金、當靚，灶下个黃蚩走來走去，佢一出爪斯搭著一隻，實在溜掠。單淨毋知佢曉打老鼠無？毋過，自阿咪來了後，老弟間房个天蓬，毋識過聽著老鼠在該跳舞咧。

毋多知，阿咪畜有十四年咧，照佢等人个歲數來算，有七十零歲哩啲。該日看佢懶蜈蚣無精神，食个東西又做下翻出來，好得看過獸醫注射，幾日斯好咧。阿姆笑笑同阿咪講：「你同佢共樣，老咧！」阿咪當像聽得識个樣，第二日打著一隻細老鼠挑挑放在灶下，像係愛同阿姆講：「莫笑佢老刀嫲無鋼——奈毋何，佢還已慶哪！」動物除了毋會講話，厥等同人共樣，有感情、有靈性，還有該種毋認老、毋認輸个精神哦！

¹ 阿咪：音 a+ mi+；專有名詞。貓的名字。

² 天蓬頂：音 tien+ bong` den`；天花板上。

³ 乒乒砰砰：音 bin` bin` bong` bong`；狀聲詞。形容老鼠在天花板跑動的聲響。

⁴ 間核：音 gam` hed`；混合摻雜。

⁵ 花籬花籬：音 fa+ lo+ fa+ lo+；形容顏色混雜花花的樣子。

⁶ 岐岐走：音 kia+ kia+ zeu`；到處亂跑。

【大箍牯減肥記】曾菁怡原作

「哇！歸桌恁多好料！汽水、餅、披薩、雞卵糕、枝冰，還有佢盡好食个焗菜、雞髀。」佢看都無瞞目，口涎水硬硬會跌落來咧，該兜好料已像同佢攞手講：「遽遽來食，遽遽來食哦！」佢遽遽擎一支香噴噴个雞髀，該油臘油臘个皮焙去赤赤赤，肉汁汀汀汀汀，實在還錫人食哪！佢嘴擘大大，正愛咬落去該下，嘎聽著：「大箍牯，還毋翫床？讀書會赴毋掣咧！」好料一下毋見撇咧，原來，係發夢啊！佢有一屑毋甘願，該雞髀無咬著，實在還打爽哪！

聽吾姆講，佢自細斯已好嘴斗，生來肥漬漬，肉菜好白浮¹，真得人惜。阿太盡愛捏吾面頰卵，講像正打好个粿粿，分人想愛咬一口。原旦佢試著肥律律个身材也無麼个毋好，毋過該擺見笑个經驗，分佢堅心愛減肥。

該日學校舉辦校慶活動，吾班級表演「三隻豬子」个話劇，佢擔任豬大哥个角色。在節目進行到豬大哥同豬二哥為著走閃大野狼，愛去豬老弟厥屋家園該下，為著愛製造緊張个氣氛，佢盡

命走過去，想愛鑽入豬老弟厥屋肚。哪會知，一下使忒大力，豬老弟个屋嘎分佢撞橫撇，還仆在屋頂，屎肫孔去半天高，纏繃繃个褲嘎弓暴撇……一下那，鬧熱濟借个禮堂玄玄風嘎恬芍芍，單淨聽著自家心臟砰砰滾个聲，額頭流落來个汗水，逐點都分佢試著……實在還見笑哦！愛仰結煞正好？臨尾，有人出聲同佢解圍咧，佢遽遽企翫來行到舞臺昏換褲；該聲說，毋係佢期待个拍手聲，係大家笑去歸身緊顫、目汁掙毋離个笑聲。

校慶結束該日，桌頂个乳茶、雞排做下分佢擲落垃圾桶肚，第一擺佢恁有決心，想自家絕對愛減肥成功。佢去網路尋減肥个方法，大體係講愛減量、減油、減糖，還愛配合適當个運動，因致該兜油坭坭个焗菜、甜滋滋²个汽水、糖全部分佢拒絕，逐餐飯菜盡量都食較清較齋兜，飯食七分飽斯好，還過逐日運動三十分鐘，行路、打球、跳索……間緊做。

一個月過後，吾姆帶佢去買新衫褲，逐領尺寸都減兩號，阿姆講：「從今以後使毋得過喊你『大箍牯』咧。」「係啊！你愛喊佢『派頭哥』哩啲。」

大箍牯減肥，成功！

¹ 白浮浮：音 pag` peu` peu`；白嫩嫩。

² 甜滋滋：音 tiam` zi` zi`；非常地甜。

【光雞蝻¹】徐姿華原作

記得讀二年生該年，連續漚雨²幾下禮拜，雨落去人硬硬都會生菇咧！直直到禮拜三朝脣正斷雨腳³，當晝放學還有日頭花對貴貴个烏雲肚箭出來，大家都當歡喜，排列行出校門，著緊水靴蠻皮个細依斯起勢作怪涉水⁴搞，泥漿水射去脣項个細妹同學噉噉滾，緊閃、緊跳、緊走，笑聲、咄聲、罵聲鬧借借，襯核轉好天个天時，大家个心情也像慢慢散撇个烏雲緊來緊開。

偈同老弟轉到屋面前个楓樹伯公下，看著一陣細細隻、大頭拓⁵、烏烏个魚在路脣落雨過後个細水窟肚，洄來洄去當生趣，吾等跔緊看，看都毋記得好轉，阿奶等無吾等，行出禾埕大聲咻，吾等正真毋甘願行轉屋家。

吾兩儕趁⁶阿奶去睡當晝，偷偷拿空个奶粉罐，去楓樹伯公下捉魚，驚大人知著會罵，將捉著个六尾魚，偷偷畜在書桌下，愛去上課同放轉个時節，做下會先去看一下，在屋家寫字該滿同厥等捧出來放桌面，陪吾等寫字。

第三日打早，老弟去看魚了趕緊愛去上課，奶粉罐無放好勢嘎橫撇，等吾等下晝轉到屋家，水硬硬會流淨，罐肚淺淺个水伸著一尾魚忒等，另外五尾魚燥死在書桌下咧。吾等心肝當艱苦，將五尾魚埋花園肚个桂花樹下，希望厥等使得鼻著桂花个香味。伸著該隻細魚，吾等還較細心細意照顧佢，一禮拜同佢換一到水，還分佢食嫩嫩个菜葉。

十外日過，該尾魚嘎生出兩隻腳，吾等試著魚會生腳當心色⁷，忍毋核偷偷同阿爸講，阿爸看了講：「該毋係魚，係『光雞蝻』、蜈个細人。」差毋多又過一禮拜，光雞蝻又生前腳出來咧，有四隻腳个蜈蝻，在水肚洄來洄去，當風神。

學校放暑假咧，阿姆同往年共樣帶吾等轉外阿婆屋家奈一禮拜，吾等心肝肚掛吊書桌下个蜈蝻，旨曾旨⁸斯緊討愛轉。一轉到屋家，老弟隨從⁹入間肚，跔緊斯噉去大嫵聲，吾等旨赴攔行李，斯走入間肚去，看佢做麼个噉？老弟指核空空个奶粉罐，同脣項个跳啊跳个蜈，噉去術噉¹⁰，講：「鳴……吾蜈蝻……分蜈食撇咧啦！鳴……」，阿爸聽著，緊掌老弟个頭那，忍緊笑同老弟講：「大惹俵，若蜈蝻大漢咧，變蜈咧啦！毋係分蜈食撇。莫噉啦！」，老弟聽著恁泥講，正轉笑面。

因致童年畜「光雞蝻」个經驗，老弟嘎對自然科學當有趣味，這下老弟既經係當受學生歡迎个自然科先生，也輒輒會帶細人滿哪去做研究呢！

¹ 光雞蝻：音 gong+ gie+ ngiam`；蝌蚪。

² 漚雨：音 eu` rhi`；久雨不停。

³ 斷雨腳：音 ton+ rhi` giog`；雨停了。

⁴ 涉水：音 zheb` shui`；用力踩水使水濺起。

⁵ 大頭拓：音 tai` teu` mag`；喻頭大尾小，頭重腳輕。

⁶ 趁：音 tan`；趁著。

⁷ 心色：音 sim+ sed`；有趣。

⁸ 旨曾旨：音 mang` cen` mang`；時候未到，迫不及待。

⁹ 從：音 zong`；快速奔跑。

¹⁰ 術噉：音 sud` ed`；情緒激動，哭得喘不過氣來。

111 年全國語文競賽客家語讀者劇場文本國小組（大埔腔）

編號 59 號

【剃頭】張美容原作

前幾日去剃頭店剃頭，看著一個兩、三歲個細人，為著剃頭噉去噉噉滾像刷豬個樣，大人細人做下搵都一身大汗，實在衰過正得。佢這下較大漢咧，剃頭該滿毋敢過噉，毋過還係已驚剃頭，也共樣恁惱剃頭！

佢驚剃頭，係因致佢當無膽，驚師傅手項該支剪刀同剃頭刀。見擺一坐上凳項，繫好剃頭巾，看著師傅擎緊剪刀對核佢，佢斯會嗶嗶掣¹，試著過撇千年恁久咧，正剪好，堵堵想故下大氣等，師傅又擎核利利個剃頭刀愛來拷吾腦屎背²個毛腳咧，這下還較得人驚哦。佢驚都頸根緊鉤、屎肫在凳項扭來扭去，師傅緊拷、緊咄³佢毋好停動，無奈何，佢牙根齧緊、拳頭嫵搭核，由在人刷割。若係走得，佢定著會跋起腳走⁴，一分鐘都毋停途。唉！剃頭實在得人驚！

直直到三、四年生，吾膽較在⁵咧，無恁驚剃頭，噉變做惱剃

頭，因致師傅該張嘴當得人惱，總係在剃頭該滿，有個無個講講擎一千擔。怕係大家老鄰舍忒熟事咧，佢長在緊剃緊同佢打嘴鼓，一下問：「若個頭那毛落麼個肥，仰脣會生都恁靚、恁多？」一下又講：「營養毋好專門搵到頭那毛去，愛食較高大兜正有影哪！毋好像矮嫵車個樣矮咄咄⁶。」佢面皮薄、驚見笑，長在目珠瞞啊瞞詐無聽著，一肚懊惱想：「仰結煞！脣項個人定著在該笑佢咧啦！還惱！還惱！實在還惱剃頭。」

盡冤枉個係，有一擺師傅毋知仰脣，剪刀一溜，吾耳公嘎畀剪一空，血黏時流出來咧！師傅同佢膏藥，嘴項嗶嗶嗶嗶⁷講：「頭那毛恁多，當毋好剪。」仰脣噉變做佢毋著咧！轉到屋家想愛同阿姆使妮，無想著阿姆毋單淨無安慰佢，顛倒罵佢講：「毋恬恬坐緊分人剃！耳公無分人剪撇斯已該載咧！」限勢佢都愛噉毋得嘴扁咧，聽著阿姆恁泥講，黏時「哇」一聲噉出來。係使得，佢甘願鬢頭絞髻⁸也無愛去剃頭。

剃頭個齣事，幾個月斯愛過來一擺，還艱苦哪！佢日日想、日日望，想望遽遽大，使得像大人個樣，去電毛店剪頭那毛，腳蹺緊⁹，有冷氣好吹、有人同你捉龍，還有人滄茶分你食，毋知有幾好哪！

¹ 嗶嗶掣：音 bid` bid` ched`；不停發抖。

² 腦屎背：音 no` shi` boi`；後腦杓。

³ 咄：音 dod`；喝斥。

⁴ 跋起腳走：音 bag` ki` giog` zeu`；拔腿就跑。

⁵ 在：音 cai`；穩固。

⁶ 矮咄咄：音 e` dud` dud`；矮嘟嘟的。

⁷ 嗶嗶嗶嗶：音 gau` gau` gau` gau`；嘟嘟嚶嚶。

⁸ 鬢頭絞髻：音 nung` teu` gau` gi`；披頭散髮。

⁹ 蹺緊：音 kau+ gin`；翹腳。

111 年全國語文競賽客家語讀者劇場文本國小組（大埔腔）

編號 62 號

【秘密森林】林貴珠原作

佢自細已好在山林肚、河壩脣搞寮，一到寮日斯滿哪野上野下，搞到斷烏正轉屋，記得讀小學該下，總係好珍阿娥厥姆去美濃山下撿樵，阿娥厥爸當早斯過身咧，單淨厥姆做小工來畜歸屋家大細，阿娥已知人我，放寮日總會珍厥姆去山頂撿樵杈相添，佢輒輒擲衫尾，同厥等共下去山林頂寮，對佢來講山林肚全全係寶。

打早佢背緊飯包同厥等共下去，在山林肚吾等搞措迷摸，將這一大片个山林，變做吾等个運動埕躡上躡下¹，在樹頂攀上攀落毋會輸山猴，麼个愁慮早都飛走咧，吾个心情斯像著緊靚靚个花裙在該跳舞个蝶，飛上飛下恁自在、恁快樂，走都汗流脈落斯去山坑脣搞水，山坑水清又清、淋一口透心涼，坑水涼又甜，較贏雜貨店个枝冰，珍緊貶石頭捉蝦公、捉老蟹、捉魚，唱吾等自家个山歌，快樂个歌聲珍坑水傳去歸山坑，流過莊頭，流到闊茫茫个天際。

成半下膨尾鼠來作伴，厥个面頰卵蠕蠕動看核吾等手項个嘴

嗒，錫都佢口涎水硬硬會跌落來咧，實在得人惜，還有領領拜个山狗太，佢看佢，佢看佢，成半下還會四腳惹天當生趣，行到笏竹蒲下聽著唧唧唧个聲說；吾等將手項空罐裝滲个水，灌入地泥个空肚，無幾久斯看著另外一個空土狗鑽出來，一隻、兩隻一半下使得灌著三、四隻土狗，搞癢咧坐在香絲樹下，山風柔柔吹過樹林，聽土狗唧唧滾鋸弦，山坑水同笏竹合奏出大自然个樂曲，這係盡錫人聽个樂曲。

樂暢个時間總係恬恬偷溜過，一矚目斯到斷烏愛轉屋咧，猴嫵背緊細猴子攀籬吊壁愛轉竇，吾等斯踏緊霞痕落山，貓頭烏咕咕滾同吾等講「正來寮」，阿伯姆核核滲滲个幸福，佢也袋緊滲滲个快樂轉來，勞瀝這粒山林加添佢生趣又無共樣个童年，感謝一路里來陪緊佢成長个好山好水，對佢來講搞上搞下毋當美濃山下，這係吾心肝肚盡靚个秘密森林。

¹ 躡上躡下：音 liung+ shong+ liung+ ha+；跑來跑去。

【像戇牯个天才】葉秋菊原作

「人不可貌相，海水不可斗量」用這句話來講阿明牯，實在當適當。佢乜相信天公同你關撇一扇門，定著會替你打開另外一扇窗。

見擺愛重頭分班該下，吾心情斯像老鼠跌落米缸肚，一重歡喜一重愁，歡喜个係使得熟事新朋友，愁个係毋知會有牛頭馬面同佢分共班無？記得開學該日，遠遠看著一個手癩癩腳跛跛个細俵行入教室肚，該個人頭昂昂，嘴弛弛¹緊行緊笑，看覓來戇當戇當个樣，佢胚想佢怕係行毋著教室，愛去隔壁个資源班正著啊！。

該個細阿俵恁堵好坐在吾隔壁。先生特別紹介這個細俵，講佢安做張忠明，手腳毋方便，愛勞擾坐厥脣項个人，發揮同學愛，搵手照顧。張忠明？佢佬著係當聰明，險險笑出聲來，一恁著新个一年愛同佢比比坐，面都孬撇²一析。佢頭側側偷睇佢，欸！生來白淨白淨算係已清秀，毋過透日口涎水澹澹汀汀，將胸脯前圍緊該條弛涎帕³，汀都潦潦潦，分人看著目汁都會跌出來，

¹ 嘴弛弛：音 zhoi` rhe` rhe`；嘴咧得開開的。

² 孬撇：音 fe` ped`；歪了。

³ 弛涎帕：音 rhe` lan+ pa`；圍在脖子上吸口水的圍兜。

同情心在吾心肝肚慢慢翻轉，佢慢慢幹轉頭同佢笑下，試著佢乜已得人惜哦！

吾該班个鱸鰻頭⁴總係撩撩刁刁，奈冬瓜毋何斯捉瓠來捋毛，看忠明好欺負，斯學佢行路孔孔翹翹个樣相，無斯同佢捏下屎脬，好性體个阿明牯詐無事人，在人搵，佢一肚懊惱搭緊拳頭嫵，當想行前去替佢出頭。

阿明牯當自重，同吾等共樣上課，共樣寫作業，斯寫字較食力，較摸掌⁵忒等，學生該當愛做个本分，佢毋識懈怠過。有一日上數學，先生出一個題目難過上天，吾頭那恁都必撇⁶也恁毋出來，大家額結結無人曉算，哪會胚想著阿明牯佢毋使兩分鐘斯算出來。大家目珠擘都大嫵粒，焮鏢⁷講到鉢乜無人愛信，戇牯仰會變精咧呢？原來佢係一個天才啊，打先緊佬著佢係戇牯个佢敗勢都面紅濟借，還想尋個空鑽入去！

見擺看著搞都昏天暗地个吾這兜，同拿緊隨身聽恬恬聽英文，嘴項迪迪突突⁸背出一大串英文單字个佢，自家試著會面紅，實在天爭地啊！人講：一枝草一點露，天公係公當个，雖然無分佢健全个身體，毋過賜佢聰明个頭腦同上進个心，在未來个路項，毋使替佢懊惱替佢愁咧。

⁴ 鱸鰻頭：音 lu` man` teu`；頑皮的男孩。

⁵ 摸掌：音 mo` so`；動作緩慢。

⁶ 必撇：音 bid` ped`；裂開。

⁷ 焮鏢：音 pu` lo`；用生鐵鑄的炊具。

⁸ 迪迪突突：音 tid` tid` tud` tud`；結結巴巴不流利。

【賣菜】謝惠如原作

記得讀三年生該下，屋家人口多，食、用開銷也大，阿姆除了做田事還愛治理屋家人个三餐，斯利用屋側角該埕空地來種菜，種啊種，菜嘎多都食毋去，高不將載去街路賣。

九月冬十月禾割撇了後，一個奈日阿姆喊佢跔佢去搵賣菜，到菜市場个路脣，阿姆撐好鐵馬，將後架疊都尖起來个角菜，落十外抓¹落來喊佢在該掌緊賣，無講橫無講直自家斯隨載去街路迴迴轉賣咧，抨佢²一個人在該呆呆，毋知愛仰結煞正好。

佢本來面皮斯薄，見看著毋熟事个人斯會面紅濟借，莫講愛喊人買菜，無結無煞个佢，敗勢去頭犁犁，全毋敢探起來看人，好得隔壁賣番薯个老伯姆看佢恁恬又畏事，笑笑講：「細阿妹，毋使驚，你做你大聲喊賣菜，人若聽著斯會撇轉來看你賣麼个，無定著有佢想愛買个菜，鴨嫲嘴愛罔吮正好有好食，來！佢喝分你聽：『來唷！來買番薯唷！好食个番薯又粉又甜，包你食了還會倒轉來買唷！』」聽著老伯姆个喝賣了後，佢斯膽膽試喊：「來

唷！來買菜哦！一抓十個銀忒等。」正喊啊煞，一個阿姨聽著隨停落來買，還褒佢恁乖恁曉得。聽著厥个安謐，佢暢都緊喝緊大聲，行過吾面前个人，十個有八個大體會停落來同佢買菜，無幾久斯賣撇咧，分佢試著賣菜一屑都毋會難。

冬下頭日短，臨暗放學轉到屋家，鞋一脫衫一換，隨走去菜園同阿姆搵摘菜。暗晡頭食飽夜了後，同阿哥兩個人擇菜、秤菜，吾等負責个事頭，除了將一頭一頭有黃葉同燥葉个菜蓋³愛擘撇以外，還愛將有泥个菜蓋搗搗嚟，整理清淨好勢了後，一抓一抓秤畀平重正緘起來。阿姆不時交代吾等：「有東西好賣，斤兩定著愛秤罉，雖然正十籊八角又七係錢，秤頭斯係路頭，毋好去批著人。還有，賣食个東西，自家愛敢食正好拿去賣人。」這兜話佢全記在心肝肚。

賣菜雖然係一種小生理賺毋成錢，也無麼个大學問，毋過對這擇菜、賣菜个過程中，分佢學著已多做人做事个道理。

¹ 落十外抓：音 log`shib`nguai`za+；解下十多把。

² 抨佢：音 biang+ngai~；丟下我。

³ 菜蓋：音 coi`hab^；老菜葉、外葉。

111 年全國語文競賽客家語讀者劇場文本國小組（大埔腔）

編號 69 號

【鬧熱个落雨天】曾菁怡原作

鬧鐘鈴鈴鈴響咧！大嫲聲喊佢遽遽趺床，過勒床斯會赴毋掣去學校讀書哩啲。佢目西西伸手搵撇鬧鐘，過橫落軟習習个眠床頂，毋盼得同佢分開。咦！毋係天光咧？外背仰脣還係暗摸脣疏？探頭看出去，原來係天公派烏雲使者來通知吾等——愛落雨咧！

有人認為落雨天已麻煩，出門愛著水衣，無斯擊遮，無細義衫褲又會淋去溼漉漉，去哪位都無方便。學生盡惱無法度出去打球、搞寮，一下課先生斯掌緊，麼人都使毋得出去逐雨，所以見看啊著落雨，大家斯唉唉嚟嚟，眼盯盯看雨水占領歸個運動埕，實在還愠悴哦！

毋過，落雨天對佢來講嗰係已鬧熱个日。朝脣一出門，街路做下塞滄滄个車，這片嘩嘩；該片叭叭，像久無見面个朋友相賽招呼，大家尖共下講起久無見面个思念。該兜行路个人，擎緊一支一支各色个遮花，雨水一滋潤，斯開出五彩个花蕾，行來行去像在比麼人个花較靚。你係聽較真兜，該雨水落在車頂、屋頂、水窟抑係樹葉个聲音做下無共樣，有高，有低；有大聲，有細

聲，像唱歌分你聽个樣。成半下，雷公還會用曠燼打燈光，用響雷伴奏，你講，係毋係已生趣？

佢盡好在落雨天打早去學校，因為該兜平常時固核核个蝓螺、蟲蟻全部都會出來搞水。學校牆頭係膏水泥个，泥壁頂个溜苔青里里，落雨該下，蝓螺趟上趟落陣打陣，有兜比賽看哪隻趟較遽，有兜彎來幹去做畫圖个藝術家，有兜停在牆頭面享受逐雨个清涼，逍遙自在。

落雨天出來搞寮个蟲蟻盡好膽，衫褲無著斯緊拚拚走出來搞水，溝壩肚浪浪滾个水流已刺激，幾尾蟲蟻分水沖過去還會扭來扭去，暢都奈毋得。有个蟲蟻大犛犛趟到路頂來，較砸身个還使得趟倒轉去；較媞个將就橫在路徑頭，分天公做主咧！

鬧熱个落雨天，有人懊惱，有人歡喜，天公無法度分逐個人納意，孤孤偲自家改變想法，不管麼个天都係當好个天。